



**Corpus Juris Canonici, Per Regulas Naturali Ordine
Digestas, Usuque Temperatas, Ex Eodem Jure, Et
Conciliis, Patribus, Atque Aliunde Desumptas, Expositi**

Opus, Tum In Rebus Obscuris Claritate, Tum Dispersis Collectione ac
delectu, in contrariis conciliatione, eximium, simulque Indicibus ac
Præfationibus, Notisque quamplurimis & exquisitis illustratum, ; In Tres
Tomos divisum

Complectens Prolegomena Ad Jus Canonicum In Se Et Universim
Consideratum

Gibert, Jean-Pierre

Coloniæ Allobrogum, 1735

Sectio III. Canones Apostolorum Regularum Gallicanarum æquitatem
probantes.

[urn:nbn:de:hbz:466:1-74413](https://nbn-resolving.de/urn:nbn:de:hbz:466:1-74413)

SECTIO III.

Canones Apostolorum REGULARUM GALLICANARUM equitatem probantes.

Quod hic amicissimus de utilitate Canonum Apostolorum ad probandam aequitatem Regularum Gallicanarum, pars est fructus, quem ex labore nostro speravimus.

Prima nostrarum Regularum est, Episcopos posse, in Synodis Provincialibus disceptare quæstiones circa fidem aut mores in sua Provincia emergentes, & ceteras dirimere controversias ibidem ortas. Illa autem confirmatur per *Can. 36.* prout ad calcem *Decreti Gratiani* referuntur; vel *30.* prout sunt in Collectione *Dionysii Exiguī*, qui jubet Synodum Provincialē bis quotannis cogi, ad discutiendas difficultates circa dogmata, aliaque occurrentes quæstiones. *Bis in anno Episcoporum Synodus celebrator, ac pietatis inter se dogmata in disquisitionem vocantur, nec non incidenter contradictiones dirimuntur.* Verba HALOANDRI retuli, ad calcem Decreti relata. Idem sensus est apud Dionysium Exiguum, sed aliis verbis declaratur: *Bis in anno Episcoporum Concilia celebrentur, ut inter se invicem pietatis dogmata explorent, & emergentes Ecclesiasticas contentiones amoveant.*

Secunda Sententia Gallica est, approbationem translationis Episcoporum non pertinere ad Summum Pontificem, ex Institutione divinâ, sed ex Ecclesiastica duntaxat, quæ tandem perseverare debet quamdiu Ecclesia utilitas illud requiret. Hæc autem Sententia confirmatur per *Canonem 13.* apud *Gratianum.* Apud Dionysium Exiguum *14.* qui postquam prohibuit Episcopos ab unâ ad aliam Sedem transfire, casum excipit, quo major speratur utilitas in nova Sede; hocque supposito, requirit Episcopum non proprio consilio transfire, sed multorum Episcoporum iudicio, & maxima Exhortatione. *Episcopo, qui suam Ecclesiam dereliquerit, alteri insilire nefas esto, licet a plurimis ad id compellatur, nisi rationabilis aliqua causa subfit, quæ hoc ipsum facere vi adigat; nempe quod plus lucri & utilitatis his, qui illuc constituti sunt verbo pietatis conferre possit.* Neque tamen hoc à se ipso, sed multorum Episcoporum iudicio, & exhortatione maximâ, (Verbo HALOANDRI.)

Tertia est Sententia, Ecclesias Majores, ac præcipue Nationales, posse fibi jura & disciplinam confinare, quam Nationis moribus conducere duxerint. Hæc Regula confirmatur per omnes Canones ex quibus colligitur Ecclesiam, cui hæc collectio fuit accommodata, in pluribus Capitibus disciplinâ singulari usam fuisse. Nam *1.* ille pro Bigano non reputabatur, qui duas ante Baptismum (*C. 16.*) uxores duxerat, vel unam ante Baptismum aliam post Baptismum, accepérat. Licet uterque pro Bigano habeatur in Ecclesia Romana. *Innocent. I. Epist. II. C. 3.*

2. Nuptias interdicebat omnibus prater Lectores, & Cantores, Clericos, *Can. 25.* In ceteris Ecclesiis Subdiaconi & alii inferiores Clerici uxores ducere poterant, in quibusdam ius illud habebat ipsi Diaconus, qui, antequam Ordines suscepérat, adversus Legem Cælibatus fuerat protestatus, *Can. 10. Ancy.*

3. Duo Episcopi poterant consecrare Episcopum, *C. 1°.* in ceteris tres saltem requirebantur, *Can. 4. Nicen. Can. 20. Arelat. anni 314. C. 1. Codicis Ecclesiæ Africanae.*

4. Reprobatur Baptismus Hæreticorum, idèo tantum, quia erant Hæretici, *Can. 46. 47.* qui in reliquis Ecclesiis admittebatur, modo collatus fuisset in nomine trium personarum, Patris, Filii, & Spiritus Sancti, *Can. 8. Conc. Arelat. an. 314. Can. 19. Nicen. Can. 1.* constant.

Denique, possumus etiam confirmare Sententiam, quæ fert, Reges ab Ecclesia non pendere circa temporalia, per *Canones 81. & 82.* qui docent, administrationem publicam & Magistratus Romanos, Dignitatibus Ecclesiasticis esse insociabiles.

Tom. I.

TITULUS XIV.

REGULÆ circa CONCILIA.

DE CANONIBUS locuturi, de CONCILIIS prius agimus; tūm, quia à Conciliis vulgo constituentur Canones; tūm, quia à Conciliorum autoritate & distinctione, Canonum autoritas, præcipueque inter illos discrimina defumuntur; Concilia autem considerari possunt, vel in genere, vel in specie.

Regulæ circa Concilia in genere.

Sunt Octo, quæ spectant ad Concilia in generis, Conciliorum Nomen, Natura, Finis, Divisio, Interpretatio, Dispensatio, Modi, quibus ligent & in illa delinquatur, Pœna, quibus in illa delinquentes, plectuntur. Hinc Octo circa ista:

§. I.

Quid sciendum circa Conciliorum NOMEN.

REGULA UNICA.

Non alia scienda sunt circa Conciliorum NOMEN, quām quæ sequuntur *.

1. Concili Nomen accipi pro Episcoporum Congregatione.

2. Hanc Episcoporum Congregationem variis aliis per se donari nominibus, quæ Concili fūnt Synonia; qualia sunt ista, *Catus, Synodus, Conventus, Concio, Ecclesia,* prout Concionem significat, *Senatus, Comitia, aliave, si quæ sint, similia.*

3. In *Corpo Juris Canonici* Episcoporum Congregations communiter vocari *Concilium*, vel *Synodus*, sed frequenter *Concilium*.

4. *Synodi* nomen dari, non solum Episcoporum Congregationi, sed & convocato sub Episcopo, Presbyterorum Diœcesis sua cœtui. *C. 11. 16. DIST. XVIII. C. 25. de Accus. C. 2. SESS. XXIV. de Reform.*

§. II.

Quæ sit Conciliorum NATURA.

REGULA.

In eo sita est Conciliorum *Natura*, quod sint Episcoporum Congregatio à Superiore Ecclesiastico legitimè facta, ad Spirituales Res tractandas.

Regulæ veritas patet ex eo, quod continet id omne, in quo Concilio cum aliis Cœtibus, tūm Ecclesiasticis, tūm Civilibus convenit, & in quo ab illis differt.

Convenit enim cum aliis Cœtibus in eo, quod sit Congregatio à Superiore legitimè facta; id siquidem esse debeat cœteri Cœtus, ut sint legitimæ.

Diffrerit vero ab aliis Cœtibus, vel ratione Personarum, quæ convocantur, si enim qui convocantur non sunt Episcopi, Congregatio, quæ fit, non est Concilium. Hinc, *Synodus Diœcesana, Capitula, tām Secularia, quām Regularia, non sunt Concilium, eo sensu, quo hic sumimus; vel ratione Convocantis; si enim Episcopi à Superiore Ecclesiastico non convocentur, sed à Principe, eorum, juxta Canonistas, Congregatio non est Concilium.* Hinc, quoties Episcopi convocantur, ad Generalia Regni alicujus Comitia, similiave, à Principe, aliove ejus vices gerente, hujusmodi Congregatio est potius Cœtus Civilis, quām Concilium; non tantum ob rerum, de quibus ibi agitur, quæque ut plurimi Temporales sunt, sed etiam, ob personæ convocantis, quæ Secularis est: qualitatem: vel ratione rerum tractandarum, quæ, ut præcipios.

F 2

Ani-

* *Synodus C. 1. DIST. XV. ad Conciliorum nomen spectat;*